


0
1cm
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28



浙江圖書館



浙江圖書館



浙江圖書館



浙江圖書館

皇明名臣琬琰錄卷之二十七



呂府君文遂墓碑

愚菴方公墓版文

衡公世瞻墓表

坦齋葉公墓誌銘

魏觀傳

肇慶府知府王公墓表

寧國府知府陳公之碑

蘇州府知府姚公傳

瑯琊

王世貞

續編



王直

廖道南

楊士奇

楊士奇

素衷

浙江圖書館

知府姚公傳

劉公子輔傳

靖安况公傳

敬齋劉公墓誌銘

尚德李公墓銘

河南知府李君墓表

雯峯先生饒君墓表

安肅趙公傳

懷慶知府李君墓誌銘

荊州知府張公墓表

鄭曉

楊士奇

王鏊

彭時

楊榮

楊士奇

何喬新

顧清

楊士奇

王鏊

浙江圖書館

桂林知府方公墓表

贛州知府顧公墓碑銘

安慶知府周公行狀

孝行沈公墓表

盛允高傳

林俊

吳寬

李賢

葉盛

浙江圖書館



浙江圖書館

故嘉興知府呂府君墓碑

宋濂

元至正之季民及處州為盜轉掠而東陷永康婺諸
縣繹騷弗寧永康太平里大族呂君文燧散家數千
萬與弟文燁合謀募里壯強子弟得三千人將之與
盜屢戰盜敗走復其邑斬獲甚衆呂氏之聲聞東南
朝廷三授以官皆辭不受用事者聽謗殺其弟卒不
敢怒而為之盡力大臣義之承制表其閭而復其家
婺之巨室細民幸不遇盜者悉歸功呂氏是時永康
有呂氏隱若巨鎮焉今上皇帝既克婺君族人藉
兵甲以君名詣轅門降上大喜特立永康翼以君

為左副元帥兼知縣事時君以事留杭未返命其弟
文烜攝之君還復召為庸田司經歷改中書省管勾
江西行省都事權知廬州府至官三月浙西平更授
嘉興知府累階某大夫松江民作亂襲嘉興君覘知
之走使者告李曹公文忠賊始據城曹公兵即至遂
就擒諸將欲內城君爭曰據城者賊也城中民何罪
釋不屠民德之滿三載入朝奉詔持節諭閩婆國洪
武三年十一月次興化有疾十六日卒于驛舍四年
十二月某日歸葬東陽縣興賢西丘之原年五十四
君有德於鄉鄉人聞其卒皆哭泣相吊喪歸老覩迎

拜於道數十里不絕卒之明年嘉興佐貳以下坐蓋
法死者數千人有司以君嘗署名公積例藉其家上
特詔歸之曰吾知呂文燧誠信人必不圖姦利且歿
於使事可念也時呂氏家連繫縣獄鄉人哀之如親
戚及詔歸其家乃皆舉手相賀君子由是知君之
德及人者深也君字用明文燧其名也其先有諱玫
者自河南來遷玫玄孫浩上書宋孝宗朝脫父兄于
詔獄孝宗崩行喪三年浩弟源以行義旌門皆有惠
於閭里源玄孫鑰仕元為永康尹君曾大父也太父
汲父櫬母某氏初君之大父嘗修上世所立義田以

食族人置學以教子侄至君踵其志卒成之君為人
如懦夫至其奮發於義不顧利害必達乃止蓋其所
從來遠矣君娶戚氏三子曰堂堦珀珀後季父文炯
六女其三適同邑胡海金華戚誠道東陽俞文璉餘
未行孫男二人堂既葬君乃謀於弟曰先子之友固
多其同朝仕而知先子者唯太史宋公太史嘗銘天
下賢公卿大夫其言可傳信苟以墓上銘為請必不
忍辭乃以君族弟熒狀未請君之政蓋多可稱余不
能知然其最大者活永康嘉興之民書其大使人可
推知其餘也銘曰

天之所爭智名勇功或易於始而艱其終呂君之興
秉義孔偉散金聚兵以獮狐鼠既克有成不居其名
錫命者三辭而弗承匪徒辭之以俟神聖黃鉞臨
城解甲請命左縮將符右佩縣章季也攝之於君有
光起司庸田亦佐方嶽章服有儀蔚為邦伯自廬而
吳千里是綏相其良姦以撫以誅愠氓跳踉弄兵陷
郡陰檄上師禽斬以徇將怒謂君亂民可屠君爭不
從萬家獲甦不躋于崇而淪于遐吏操深文幾隕厥
家家之再完由天子明天子不遺由君之誠君
德甚多鄉人是思載德登碑于以悼之

浙江圖書館



浙江圖書館

山東濟寧府知府愚菴方公墓版文

金華宋濂撰

嗚呼自我齊國文公紹伊洛之正緒號為世適益術而彰傳道
授業者幾徧大江之南而天台為極盛時則有潘子善氏
林叔恭氏趙幾道氏兄弟以及杜仲良氏如此者不能徧
舉皆見而知之推原體用之學敷化弘治而風動於四方
重徽疊照於斯為至流風遺俗迄今猶有未泯若我愚菴
先生方公其殆聞而知之者歟先生諱克勤字去矜姓方
氏其裔出睦州玄英處士于宋初十五世祖十四府君某
始遷寧海侯城里魯大夫重桂鄉貢進士大父子野父烟

元郵縣儒學教諭母葉氏宋丞相夢鼎從曾孫女也先生
幼而端凝五歲知讀書自辨章句十歲暗記五經諸先生
嘖嘖愛賞目為神童年垂弱冠徧窮濂洛閩閩遺書及尋
鄉先達授受源委凡涉性命道德之秘窮研探索寢食為
之幾廢因喟然嘆曰為學必合天人而後可舍是非學也
至正甲辰嘗一踐塲屋言國家利害峭直無所顧忌有司
不敢取飄然東歸益閉戶潛心于一卦一爻必欲驗諸事
為至於天文地形禮樂刑政及制度名物之屬亦辨析歸
於至當如指諸掌曾海民為變江浙行中書檄吳江同知
金剛奴募民為水兵先生詣金剛奴謂曰民計窮而為盜

未為盜者亦挺挺而欲動柰何授之以兵是謂增盜非禦盜也金剛奴怒而不吞統而水兵果於中道殺獲吏逃去從盜金剛奴踰垣走折一足始悔曰吾不從方先生言以至於此未幾侍御史左荅納尖里至郡招諭劉都事基為之副先生上書陳剝殄之畧不宜姑息都事趨其言而不能遂致郡縣陷沒民罹塗炭先生發憤入山谷採松栢食之累日不返當路延先生入幕府先生謝曰我辟穀久矣弗足與人間事也吳元年冬大明兵取台州先生欣逢真主之出乃大有為之時上疏舉賢才安人心黜豪強除暴歛明教育十餘事將上之未果洪武二年詔立郡縣學以

訓導辟先生樂育才即起應命負笈來從者至百餘人先生據經陳義曲暢旁通幾無毫髮遺憾聞者皆淪肌浹髓薰為善良俄以母夫人春秋高力辭而歸諸生追之者踵相接學舍為空四年夏朝廷聞先生賢欲致之部使者袁君宥以書幣來徵先生以母老不忍離左右避去旁縣郡承使者風旨雜速姍連督索之先生上京師兩詣執政固辭執政竒先生才命就銓曹試考覈入格列第二上特命知濟寧府事階朝列大夫錫之冠帶以行先生至官為書一通懸於康衢諭上愛卷元元之意民有所不平詣府自言禁吏胥不得呵問日引耆耄坐語訊以得失郡學官缺

孔子廟堂顏祀聘前進士為師弟子員有未備者選補之
後浮屠以葺廟堂廟南鑿為泮池列兩序闢射圃於廟

北造弓矢樹正鵠日一舟視學視為正句讀較中否屬縣
之內社各立學學凡數百區學子繫籍者二千人其後號
為最盛始有詔民闢廢田者閱三載乃稅吏徼近功不俟
期歛之復以田定其科繇民益惰田不增闢先生與民約
定為簡書列其丁產為上中下三等復析為三每有徵發
恒視書為則吏不敢並緣為姦歲且暮轉戎衣于燕時有
令役民舟者有誅別郡以牛車從事天雨雪牛僵死于道
破產十八九民請以舟就役僚佐畏令難之先生曰吾知

從民便抵法非所辭也即載以舟具白山東行中書省省
義不問郡倉絕糧省檄民七百里轉粟青州以道遠為病
適漕運者自淮安輸濟南道出郡境先生欲就輸郡倉而
俾濟南致青州告于行省弗聽即以聞戶部戶部奏可行
省臣愧之郡城壞故事築以兵指揮使挾貴人勢當五六
月聚民萬餘治之民不得田哀號而即工声聞數里先生
奮曰民病不救惡用二千石為容聞中書同官疑且得罪
不敢署名先生獨署之以聞即日詔罷先是不雨先生袒
跣徧禱群祠涕泣卧祠下誓不雨不還至是詔下民驩呼
而散大雨如注是歲五穀俱熟民歌曰孰罷我後使君之

力孰成我忝使君之兩使君勿去我民父母自是連三歲
三禱皆有年五年秋隣境盡蝗先生省愆變食稽首籲天
迨夜聞空中篝火之乃飛蝗蔽天而過郡獨有年民有赴
愬者隨事財決大者笞辱小者諭遣之不留案牘尤慎於
庶獄月錄日省不使久淹或文有未具時作糜備食之夏
秋之稅每命斛卒持槩高下出其手或至累旬不收民競
指倉為窞先生令民自槩斛卒歛手不敢出氣遇將西成
即移文與民期民爭來輸不遣一吏而稅常先登江西浙
西二行省運糧百萬濟寧水陸數千里先生視如部民不
使有錙銖怨對舊比每斛益四升以裨蠹耗先生憫其道

遠言于朝蠲之府召州縣官屬皆役阜隸徃徃索賂無厭
先生下信符置郵無敢不至者信符之籍以印識而中分
之吏托日月稽違以媒利先生私藏之緩急有程一自己
出復行其法於封內一以信符召民民竟得并力耕桑襁
負來歸者相望于道初赴官時戶僅三萬稅萬餘石三年
之後稅以石記者十四萬四千七百戶亦增至六萬有奇
二州二十縣家有積粟野無饑孳羊牛雞犬散被郊垌富
庶充實如承平之世至於社稷山川諸祀先生修築壇壝
嚴飭器服或樹名木於周垣之外一如儀制無有所闕水
驛在西門內庫陋汚濕居者弗寧先生料揀材木候農之

隙更作於城南庭堂室房弘敞逾昔冬寒河凍驛舟不行
令舟人伐木為炭穿土穴藏冰因其餘力以成事功泗水
經郡城南通淮江北引河濟地勢高瀉搆石為牐而時畜
洩之魯橋棗林二牐歷歲久壞石填河中舟道難之後牐
于緇壞石治灰而甃之故以葺困痔糧火屢為災教民為
陶瓦營屋百餘間申戒火令編民居為曹伍遞相救恤其
患遂止大將軍魏國徐公達副將軍曹國李公文忠統士
馬十萬之燕駐即稍久要官勢吏爭索糧芻相膠輶于前
先生依序酬決無不如意一軍稱能永嘉侯朱公亮祖將
舟師數百艘北征水涸舟膠不可動魯先生曰即取五千

夫決河否則以軍法論日值暮先生不忍煩民泣禱於天
夜二鼓天雨黎明水起數尺舟竟去莫有言者先生為政
以風化為急務以德勝佐貳始雖倨慢先生委誠待之卒
自愧服武夫悍將不知禮久亦化戢在官縱無事終日冠
衣坐堂上召諸吏授以書詩法律或公牘堆几群辦方詳
先生片言折之各心悅而去性不喜近名常自誦曰近名
必立威必至害人吾不忍為也府庭之間不陳杻械革鞭
懸楹間示不忘罰省憲考績為六府最八年春入朝皇上
以為善治民錫燕儀曹使踐其舊職瀕行獎諭有加且曰
政成當顯用卿秋八月知曹縣事程貢嘗以不職被笞心

銜之上封事言狀詔御史楊某廉按楊適程故人恐程坐
誣罪易民服潛索先生過事踰兩月無所得乃捕府中卒
吏盡繫之擄掠無完膚無一可問者楊更與其吏謀誣先
生用倉中炭葦時十月固未嘗附火而葦則蓋公宇垣實
無私用者先生不與辨遂就逮民號呼填道隨行百餘里
者將數千先生次子孝某上書政府大臣願以身為軍贖
父罪不報竟謫役江浦會空印事起吏又誣之及孝某復
草疏將伏闕下訴而先生沒於涼師九年冬十月二十四
日也壽僅五十八子孝孺與兄孝聞奉柩東歸十年春二
月二十四日窆於縣東北深灣章施山之原禮也先生娶

林氏諱姬婦道為一族冠先十五年卒至是合葬生子二人即孝聞孝孺孝聞年十三居母之喪不向食至服除人以純孝稱之女一人再娶王氏諱在生女一人未彌月而王卒少房董氏育之董氏生子一人曰孝友二女未室未行先生面白如玉鬚眉秀整不妄笑語動容周旋必合禮法兵亂負母逃入深谷兩踵流血遇二弟訓育備至終身未嘗失色與人交率真任質不事表襮不以久近為冷熱立談之頃洞見肝膈南冠過郡者必以米膠饋之不能步者僦舟車送之萊蕪丞陳川欲迎母就養而厄於無貲出錢五千助之同列以事奪祿買布帛給其用且日延之對

食久而不衰脫逢其飲醉投案大詬而去待之益恭及酒
解來謝陽若不知者曰昔之夜吾亦醉矣不識君何謝也
生平奉養簡素不服紈綺御一布袍數十載不易日不再
肉不治官事輒却肉不食所守廉甚絲毛不取諸人每行
縣以物自隨杯酒不肯受兗州守因童進二木瓜笞童十
石州吏還之鄉人有為饒陽令者以燭鴈侑書力却去乃
已初至官時祿米一斛可易金三兩以軍食告乏月取十
斗為食餘悉儲于倉或尤其迂不恤也晚年益加畏慎晝
所為之事夜則白之於天俯仰皆無愧怍榮辱利害恒視
之若一坦然不疑古所體道成德之人 先生誠庶幾焉

其為文章質而不華平而中理有汗漫集若干卷傳學者
云濂私自念齊國文公之薨始一百七十又九年而其學
寢微譁世取寵者徒剽掠為談辨誇多闕靡者務組織為
篇章文公所以扶世教淑人心者率棄為空言故其臨事
之際仰攬俯拾唯恐利不入橐至有庸夫賤豎之不屑為
者嗚呼可嘆也已有如先生聞風而興乃能誠求實踐參
前倚衡儼若上帝鑒臨涵養既純發舒自異仁民善俗之
政至今人人能道之大命雖止於斯而其率性會道無愧
於文公者尚皦然弗誣也孝孺從濂授經頗知先生行事
之詳於是歷叙其故而繫之以銘銘曰堂堂齊公命世之

雄伊洛正傳實為大宗入天出人完傳翼經有過必疏無
幽不明疇不鼓篋千里來過燦如聚星惟台獨多流光所
及寧有翳昏揭彼日月輝于天門逝者沄沄滅景銷聲不
有人豪聞風孰興猗歟先生行知尊聞養氣弗餒充塞乾
坤實孚名隨上徹九天鶴書翩翩降于丘園爰自布帛專
城以居象笏朱衣於赫其儀寵恩之加其廣無垠曷以報
之誓不顧身敷宣帝仁達于齊氓以煦以嫗以致其亨民
或勞只如魴之頰乃平更絲俾遂其生黠胥舞文其貪若
狼乃障乃防而厄其亢人相告言久嬰亂離父母孔邇我
胡弗歸十百為群其來如雲操厥耰鋤以播以耘我行其

原萬桑沃然。瞰于隰黍。俯苗芊眠。隣多孽鯨。刺天而飛。避
不入境。絕類有知。真知之效。小試則殷。誰曰漢吏。專美其
循。太和薰蒸。郁紛輪囷。自此而升。何澤弗臻。大命止斯。傷
如之何。視天方高。淚如懸河。我又奚嗟。數竒則然。中心無
慊。生順死安。善人殄瘁。期道之衰。顧瞻無依。胡寧不哀。崔
崔者岡。渺渺者陂。其中有墳。千載之悲。

浙江

桂林太守衡公墓表 岳

皇明有廉吏曰桂林太守衡公汝寧西平人也其歷
官三十餘年清白之操若冰玉然其謝事家居貧不
日存其歿也身無以為斂子孫無以為喪真為吏者
之師表也公歿廿餘年予為河南按察使移檄汝寧
訪求公後得公之子平召而詢之道公之履歷甚詳
且以文表諸墓公之守桂林也先公寔薦之予於公
有世舊誼不可辭迺為叙之公諱岳字世瞻其先世
家隨州父通元季以武功繁官至百夫長典此香山
國初棄官歸過西平道梗不通遂留家焉母周氏慈

惠喜施予公少以俊茂補郡學弟子員中河南鄉試
遂升大學洪武三十年 詔國子監選諸生通理道
者赴詹事府議事六館之士咸推公往公敷陳時政
切而不迂所司以聞擢廣東潮州府同知公酌已惠
民自常祿外餽遺一無取布衣蔬食不異寒士嶺海
間翕然稱其廉三十五年遷陝西西安府知府其清
操善政如在潮時丁內艱去職服闋改知慶陽益以
清白自勵民愛之如父母僚友諸婦嘗會飲公之內
子與焉在席者金鈿綺綉爛然而公內子荆釵布裙
而已既罷頤不樂公曰汝坐於何處曰首席公曰既

坐首席又要服歸華好富貴可兼得邠慶陽人至今
以為口實永樂十年朝覲至京以言事忤旨謫戍
交趾慶陽西安二郡民千餘人詣闕請贖公以終其
惠不報仁宗皇帝嗣位下詔求賢監察御史袁銳
藍運使何士英指揮苑智交章薦公起為南城令以
舊官復任改南豐令其為令祿薄不足用常於官舍
種蔬以自給家人或有愠色輒曰不猶愈於充軍時
和無不意滿正統四年夏五月公秩滿至京欲告歸
時先公為刑部侍郎薦公于朝遂擢桂林守在郡五
年廉慎之操愷悌之政始終如一以年踰七十致其

政而歸景泰三年三月三日終于家享年八十有四
塋于縣大堰彎之原配王氏有淑德子七曰友民曰
忠曰用曰平曰直曰美曰慶孫八曰世隆曰鏞曰世
雄曰林曰海曰鉞曰鎧曰銳今都御史江浦張公巡
撫河南過西平聞公之賢令有司恤其家且補世隆
鏞邑庠弟子員俾紹素業嗚呼廉吏之不聞于世久
矣碩鼠之刺城烏之謠在古且然况後世乎世所謂
貪者固不足道其矯而為廉者垢衣敝屣以欺人而
後房姬媵極珠翠之麗亦豈真廉者哉若公者迺真
廉吏也予故表其墓以為世勸

江西饒州府知府坦齋葉公墓誌銘

泰和王直撰

公葉氏諱砥字周道更字履道蓋楚名臣沈諸梁之後以所食采為氏居南陽至晉有諱儉者為括蒼太守因家焉其後又徙上虞高祖萬曾祖明祖某父良玉皆不仕公天性明粹喜讀書早喪母童氏又喪其父皆能以禮居喪不惑於流俗嘗受學於鄞陳文昭攜李鮑仲孚二先生皆元故老博學有文章嘉公篤志為之傾竭底裏由是學行大進洪武庚戌公以明經取進士第得定襄縣丞兵荒之餘民未安業公勤於撫字流亡未歸乙卯

坐累謫涼州公處之泰然曰吾無愧於心足矣曰杜門為孝
有詩寄子曰不須詢遠道窮達信乾坤更號坦齋又號尋
樂作賦以見志士大夫謫居邊者皆宗之守將西寧侯宋
晟亦延致家塾為之師已知求賢陝西按察副使羅某
臨江知府劉鵬上虞知縣李惟中皆薦其學宜任史事
遂起為翰林編修又有言其堪任風憲者復陞按察僉
事用法平恕獄無冤滯吏畏而民愛之嘗兼緝三道印
出按郡至遷江會洞獠數出沒為寇害吏民洶洶欲遁去
且以無備諷公請少避公曰我去汝縣官必遁民何恃以安
即命料丁壯立保伍寇未併力禦之彼豈不畏死耶頃之報

益急公下令如故不為動寇亦卒不敢至未樂初以史事被逮
籍其家惟薄田樊廬故書數篋而已事白還之仍命與史
事書成改考功郎中公進退人才品第高下小大各適其用尚
書蹇公謂其年邁一以藻鑑任之他不溷以事會修永樂
大典徵天下名儒命公為副總裁稽經考史無不愜當仁宗
皇帝在東宮緝熙聖學擇儒臣侍講論公預焉其言於上
者必先舜周孔之道非是不以陳為郎中九年俸食四品
祿職如故公重聽誤以為授他職上親灑翰授之至今寶焉
久之公引年求去不許乃自言於吏部曰砥老矣過蒙優禮
猶叨祿在朝人將謂何上君不棄願得一小郡牧小民庶效報

萬一吏部以聞即拜饒州知府公先教化後刑罰興利去害
權奸植柔民無愚良皆愛之如子水旱為災憂若已出每齋
沐致禱必獲有年以為德之應郡故有磁窰銅冶而丁調不減他郡公
為力言於布政司得減四之一時方營造工之受役者當給糧
善其家布政司下饒州於遠輸內留八萬石給之公以謂非戶部
意不可衆譁然利其便請必從公終不許未幾部符下他已入倉者皆
反之民使遠輸勞費彌甚衆乃服公明決皆拜謝布政司亦自愧其所行凡
再述職京師皆以恤民隱革弊政去汙吏為急然為饒之風俗厚其民易
化有訟者必以理論不付曹民知公之愛已也多悔悟而罷有婦代前夫子訟
蓋欲資其後夫公揣知其故窮詰之以母子不慈為詞公曰爾不慈

於予何悉悖其父而從人耶婦慚裂狀逸去由是無理者不
敢致其逆訟間刑清民歸德焉戶口增至萬三千士之取科第者加數
倍於昔公年益高而燭理益明遇事亦若無足為者嘗賦詩以
自適辛丑八月有疾作書戒子孫以睦宗疾和戚姻重義輕
利毋貽譏于後世尤以不能報國恩為憾是月二十日卒於郡
解之止寢距其生元至正壬午三月初六日享年八十郡人無
賢愚貴賤皆哭之哀諸孫奉柩還以壬寅正月初六日禮葬
上虞廿一都賂家嶺薛氏墓山西麓配周氏賢而克家先公
廿一年卒今合葬焉子男二信可用可有士行皆早世孫男五
綸早卒緩應州學正縉以子貴封南京刑部主事縉先卒續

湖廣東湖馬駉日承曾孫男六壘克縣學生未仕見取進士

今為松江知府嗣生蕃佐佑曾孫女六嫁為士人妻公平生為

文甚多號坦齋集今所存者南行藁退朝藁芝山藁經進藁及

經筵講義弟魯道拙於治生無厚業婦家欲離婚公即以已

產益之終身不復言其自處儉薄雖位望之重比封君而肅

然不異布衣時人有過失婉詞誨諭使知改而止未嘗疾言過

色然內貞外和雖詞氣寬平而所守有不可奪者博極詳書手

不擇卷其所著述必根于義理之正而有益于世教蓋於漢義

唐宋太家無不學故其所立蔚然有盛名當世而可示法於後來

於乎公有德行文學之美而又兼政事之長城一代之鉅人君

子矣塋三十五年而墓未有銘至是見耒京師以緩所為狀求
銘予從祖思忠與同取洪武初科進士第及公耒翰林予
亦後公舊矣則今銘墓奚可辭銘曰葉氏之先實楚名臣源
遠流長子孫振振暨公乃舉進士奮迹文章揚譽政事經幄
詞林寵命自天克彛是陳維公則賢公既老矣皇用殊錫加
乃常祿仍乃顯秩公有誠言願守一州惠此群黎庶幾寡尤
湖山之間厥壤千里人之愛公不異其子公逝不留民心則
悲豈弟之化百世之思我我新阡公安于此昭德有銘垂耀無
已



浙江圖書館

魏觀傳

廖道南撰

魏觀字杞山蒲圻人父雲瑞隱德弗擢觀讀書蒲首山中
勤苦弗輟惟喜吟咏觸物感興陶寫自如乃構亭白梅初
以寄志焉元呂忠肅公讀其詩嘆賞薦於朝辭弗就江漢
既平觀被徵與青田劉基金華宋濂諸儒同詣上與語
大奇之授平江州學正遷國子助教浙江提學僉事吳元
年改兩淮都轉運使入為起居任一日同待制王偉侍
上問曰漢高祖唐太宗孰優觀曰太宗雖才兼文武於善
未免矯揉高祖豁達大度規模弘遠以茲觀之高祖為優
上曰高祖之度人皆知之然其記兄嫂之怨封其子為夏

羨候怨豐之叛不封雍齒不肯以豐為湯沐邑度亦未弘
太宗規模雖不及高祖然能駕馭群臣各為已用大業已
定卒能保全功臣此則太宗為優也洪武初建大本堂命
觀侍皇太子說書及授秦晉諸王經觀有詩記之詩曰
翠葆葳蕤九鳳旗東華遙望立多時都堂啓事貂蟬集率
衛輪斑帟豹馳月逸珠簾陞講席花迎金輅肅朝儀六王
炳炳前星後珠緯聯輝上玉墀二年十月甲戌天降膏露
于乾清宮禁林上問宥祥觀曰帝王恩及于物順于人
則甘露降陛下誕寬民賦衆庶歡豫底于救寧神應之
臻職此故也十一月冬煖如春上召偕危素詹同吳琳

宋濂遊觀內苑燕紫閣 御製賜之曰卿等各賦一詩以

述今日之樂觀奏詩云深冬晴煖動逾旬內苑遊觀詔侍

臣五色慶雲開鳳尾九重麗日繞龍鱗和鸞喜奉彤車御
式燕漸叨紫闕賓淑氣已從天上轉人間無地不陽春

上覽之大喜三年正月轉太常卿賜之制曰太常之職掌
郊廟社稷山川群神之祀厥重矣爾觀學行方正事朕有
年屢持憲節振揚風紀及領監運勞績茂彰頃居翰院日

記言動朝夕之間屢進讜論尤簡朕心茲用長于太常益
恭乃職七月命觀改定太廟祝文稱孝子皇帝臣凡遣太
子行禮稱長子某者為令是月陟侍講學士十二月辛酉

編集大明志成以觀為嘉議大夫國子祭酒宋濂為司業
四年廷試進士觀與博士孫吾與修撰王愷為讀卷官乃
得吳伯宗等一百二十人時開科之始得人最盛而伯宗
卒為名臣人以此多觀之職九月坐考祀孔子禮不以時
奏乃謫觀知龍南縣濂知安遠縣行未至任即召還以為
禮部主事 上賜燕奉天門喜曰前日逐卿去今日與卿飲
何其樂哉仍命各賦一詩五年三月 上念姑蘇為京
輔重地經張士誠之亂荼毒罔有宇廷臣咸薦觀有治才
乃出知蘇州府既蒞事懲陳寧苛政鋤暴樹良寬而且肅
敬老恤民大建學舍乃闢宣聖廟廷舉鄉飲酒禮聘郡賢

士周南老王行徐用誠教授貢穎之定儀節高啓王彝張
羽闡文學郡多耆耄崑山周壽誼年百有十歲吳縣楊茂
年九十三林文友年九十二皆延至之禮成彬彬可觀壽
誼還躬戲諸郊再拜送之觀者如堵時戎事控總百物彫
耗禮文衰落乃能力挽躬行風教勃興封部皞然課績為
天下冢 上嘉之陟四川行省叅知政事蘇父老上疏願
留乃命觀還郡七年觀以舊治為士誠竊據且郡多水患
乃修府浚河以壯士觀以資民利御史張度誣其興既滅
之基遂與高啓等俱獲罪 上悔之命所在致祭 皇太
子諸王衰賻有加乃歸瘞于蒲圻燈富山

史南曰杞山臣里人也

臣

自髫童訪其廬吊其墓未嘗不

泣然悲焉及誦其所為蒲山牧唱集思見其人而弗可也
既而讀楊符卿序曰先生之心廣大而高明先生之才篤
實端重其學博其辭瞻其所履任率有成績事至不擇利
害而為之有古大臣君子之風黔國沐璘亦曰貌偉而修
氣完而優聳衡廬之神秀瑩漢之清秋其為德也雖畊而
隱其為名也匪釣而求與景瀛碧崖亭薛蘇伯衡梅初亭
記相符合也贊曰維我蒲山衡嶽之支維我葦川洞庭之
湄先生崛起于蒲之里邦之司直國之良史伯衡有記景
瀛有辭璧月珠星光彩陸離

中憲大夫肇慶知府王公墓表

楊士奇

永樂十四年瓊州府知府泰和王公丁內艱服闋授
肇慶府知府未行七月九日以疾卒于北京其仲子
翰林脩撰直之官舍是時冢子信從行三子奉襯居
塋其邑西北新山之原塋已其素所從游楊某作而
歎曰嗚呼吾泰和文獻數百年來六七故家儒師君
子為之綱維 國朝前三十年王竹亭先生與其弟
崇慶太守襄然清德正學為邦之望兩先生沒諸老
鉅公次第復盡則是邦之望不在乎公乎今又已矣

將士之晚出有志乎是其何所取正乎則表先進以
儀來今其可無迷乎王氏出晉司徒導之後自金陵
徙秦和宋仁宗朝戶部侍郎贇及其子億皆以科第
進有顯稱其後累累以科第進至天隱臣則公之曾
祖祖也考子與即竹亭先生母陳氏繼母李氏公諱
泰字伯貞一字之幹天資絕出五六歲對客誦所記
書動千餘言不輟口仲父崇慶公尤器重之與竹亭
先生蚤莫訓切成童五經四書子史皆通其大義下
筆為文章濡然遂進講易於安成劉雲章之門時同
門生頗衆劉先生獨推公為穎悟久而歎曰從游之

士其遠到孰如王某哉既冠益有志於四方從仲父
踰五嶺上蒼梧至桂林已而下湘水浮洞庭沂金門
道三峽之險歷覽巴蜀遂東遊至京師而還其學益
充文益肆洪武壬戌詔求賢才與治論道縣令丞
舉公應詔既至授廣東按察試僉事分巡雷州府到
官甫七日有詔罷分巡召還改工部水部主事未
幾丁外艱去後坐起復綏謫安慶又起瓊州府知府
其初徵至高皇帝親見延問公以易進對稱
昔時天下士同徵至者五百餘人上親試以經義
及時務策擢公第一仍命公考第餘高下以聞後在

工部 上語尚書趙某曰江西秀才王某汝暇宜從
之學問公素有負挾又感 上知遇益思自效其在
雷州咨問民所欲惡即奏雪寃滯恤孤寡防海寇又
海北鹽法等弊五事又奏請浚宋寇準所鑿渠引達
呂塘之水灌東洋田萬頃以便民後為瓊州瓊州人
聞其來喜曰是有遺愛於雷州民者吾輩無患矣公
至一務寬大近民先是崖州黎相讐殺衛府皆以反
聞且盛言寇結連百餘砦勢張甚請發兵勦戮 朝
廷如所言命發兵適公至始衛逼府遣吏為兵嚮導
公曰讐言殺蠻人常事然未有反狀果如向所奏言即

今寇當陷數城矣隣境尚得無事耶今兵一出即玉石俱碎請覆驗其實發兵未晚衛曰朝命可稽乎公曰某請以身任之衛無與也公察之寧遠縣丞黃童廉平可屬事即令往覆驗童還報如公言且以黎數人首事者偕來遂聞于朝詔止兵不出崖人舉手加額曰微太守吾屬糜爛矣蠻人亦皆感泣曰太守吾父母也不然吾以叛寇死矣尚有遺類乎瓊俗嚚訟民競利害尺寸以上輒訴于府縣率連百數十人貪吏執為己利視賂予奪反覆剝取無厭民至不勝則棄業亡入生黎洞公得訟者列之庭下頃刻數

語誨遣之中其情而不拘之法皆帖帖以去久而皆
化訟遂息其亡而歸者萬三千餘人瓊之田歲三菑云
而少獲其糧給衛軍軍常以一時急征於民不得米
則迫以他物利厚數倍民困之公令民歲三獲三輸
之無敢違者弊頓革而常歲軍衛干撓府縣之政皆
斂迹矣獨其豪橫者猶不便公嘗竊伺其短將把持
以騁久之無所得乃更心服曰其律身嚴如此吾可
犯耶嘗歲大旱民禱久不應公歎曰我之責也齋戒
為壇露禱翌日大雨霑足獨城南十五里江外兩不
及夜復露禱明旦公出閱番舶度江雨隨公至如注

暮乃止是歲瓊大熟公在瓊將三考其政清淨簡易
而民樂之趨其令惟恐後雖黎峒之氓素獷悍不馴
亦皆信從蓋瓊自公至富者循理貧者足給相安於
無事而作新學校親詣學舍誨飭諸生由是嶺南諸
郡學生以科率升者瓊常為最監察御史周敏巡按
廣東還颺言於衆曰王瓊州真所謂安靜之吏日計
不足歲有計餘者廣東布政使徐竒亦曰嶺南郡守
政治有長者風王瓊州一人而已公去瓊民率其老
弱送至十里海上拜且泣曰公往矣如吾民何蓋公
盡心保民一出於至誠故久而人益親之公居家事

親孝母病晝夜侍側湯藥必躬治而後進仲父罷官
歸且老無子敬事如父治喪以古禮治家以儉自足
不為有餘計處富貴憂患一致謫安慶十年泊然自
適為人清淳坦亮表裏洞然而恭儉簡默外物不足
以動其中或問公可以行之終身之要曰循天理而
已與人言必依於孝弟忠信所至無貴賤少長皆樂
親之為文章出入司馬子長班孟堅韓退之柳子厚
諸名家御先生陳心吾嘗讀之顧其學者曰後來文
柄在此矣其學深於易而於書詩春秋皆博極其趣
子史以下至鑿卜陰陽方外之說靡所不通而時出

其鑿術以治人輒其效書法宗二王旁通智永歐虞
皆臻其妙篆隸亦二蓋年七十有五而卒娶歐陽氏
臨淄知縣日新先生之子繼室蕭氏子男二信與直
也女一嫁楊子珩孫男八孫女若干昔龔少卿召信
臣皆以明經為漢循吏易之道微矣觀公治瓊何以
異乎南陽渤海之效為天下者所以重乎經術之士
也故表諸其墓

浙江圖書館



浙江圖書館

王宗顯傳

黃金

王宗顯和州烏江人少業儒博涉經史元季避亂僑居嚴州歲戊戌三月越國公胡大海克嚴州得宗顯知其為儒者禮遇之及大海克蘭谿進攻婺州不克回蘭谿築城守之留宗顯于幕下是年冬太祖親征婺至蘭谿大海以宗顯見上曰爾與我同鄉里正濟所用命宗顯潛至婺城察聽事体委託甚密宗顯至婺近城五里舊識吳世傑家察得城中守將各自為心回以告上甚喜曰我得婺州今汝作知府及攻婺城首敗處州叅政石抹宜孫所遣援兵次日攻城不下樞密院同僉甯安慶與守將帖木烈

思不和果如宗夜遣都事李相進城詣上請降開東門

納兵如約入城遂克之置分省等衙門改婺州為寧越府

以宗顯知寧越府事如是宗顯開郡學延儒士葉儀宋濂

為五經師戴良為學正吳沅徐源等為訓導時喪亂之餘

學校久廢至是始聞絃誦之聲無不忻悅

浙江

故亞中大夫寧國府知府陳公之碑

楊士奇

公諱灌字同放廬陵城此吟谿里官儒家祖以章父天經皆
以學行重鄉里公生數歲而孤事母孝時已卓卓有鉅人
志讀書一目數而穎悟絕人族長老器之為延師教之師
不能應所求往往引去然益自砥礪嚮進既冠睹元綱日
壞私憂世且亂去習兵法環所居皆良田築為塲圃而樹
木焉人初莫測其意數年木鬱然行列而四方寇盜蜂起
遂募義勇以保障一鄉日屯聚士馬而號令指麾於其間
隱然一良將其教練有方撫綏有道人人為用時江西諸

郡多陷於寇環其鄉數十里獨賴以安者七年然志在保境而非有所圖利也陳友諒既據江西其將熊天瑞者強禮致公與俱至九江公睹陳氏不足有為也去之甲辰春太祖高皇帝克武昌公曰弘文館學士羅復仁詣軍門上謂

高皇帝與語奇之畱帳下數日公力陳救亂安民之說悉見聽納遂擢湖廣行中書省左右司員外郎是冬入朝改中書省左司都事遂陞郎中明年陞大都督府經歷大將軍徐達北征以公贊軍事既克秦州留公督築城之役不旬日竣事朝廷遣使勞之命總制真州軍事丙午

春除寧國府知府階亞中大夫下車首詢民隱為興利除
害增脩先聖廟建學禮致師儒以教俊秀士習一新建祀
典祠壇及驛館百廢皆舉為條格革兼并之俗覈歎隱之
籍 朝廷取其戶帖一事行之天下宣城民田瀕江化城
等十六圩故堤峻薄遇衝決則水傷禾稼壞道路歲以為
患公親為規畫築堤廣厚加舊數倍又伐巨石為水門以
時蓄泄民至於令賴之宣歙二水暴溢平地猝數丈民危
懼計無出走至巫覡禱神水勢益甚公曰巫覡焉知事神
躬禱于敬亭山神水患遂息所轄宣城諸邑踵元季之弊
歲民租無入官廩率盡虛藉公至有諉其事者於是典司

者皆忙忙懼得罪公私念此特循故弊弗革耳非始造奸也颺言於衆曰吾以某月某日行視邑廩蓋俾得為計及期邑廩皆實而弊亦革有強盜四十八人以劫舟麥當死獄已具公聽其辭曰此愚民因舟漂抵岸而捱引取之非素有合謀安得四十八人悉同法府佐幕初皆難之後卒如公議坐先取者一人餘從減論公風采凝峻訟者至庭斥語之下情為莫遁故人咸畏服而其為治務寬厚崇禮教鮮失所之民三年政化行焉既得代當去百姓耆老壯少皆有戀戀不忍之意代者山東鞠騰霄素負才不讓觀公所設施嘆曰吾徒當守而勿失也是年夏奉命督軍

餉詣北平民胥悅趨事又明年還京師省臺達官相知者爭
歆薦於朝公皆力辭遂謂告歸省先墓割田三頃建
祠堂作義塾以訓宗戚子弟居無何被召至京師未命
卒於旅次洪武四年某月日也享年四十有七未清介之
行重義輕利族姻鄉鄙匱乏有急立赴濟助間遇朋舊憂
患狼狽倒囊周之雖屢不厭非才行兼有者歟子男三廓
卓坦孫男三誠謹謙皆稱公之坦尤忠信務義公沒將六
十年坦介越府長史周君忱求書公平生于石余於公
同郡知慕公久遂考長史所為公傳及以聞諸鄉之君子
者叙次之而系以詩曰

猗嗟陳侯瑰瑋蹕絕才邁群倫識亦闕遠越在童冠鉅志
嶷嶷有書有劔萬衆奚敵罹時孔棘衆懷競競奮庇其鄉
此如堅城孱弱盜名掉臂去之天之所興稽顙未歸軍門
之言敷臣之忠惟

聖聰明日照海容簡其才敵以贊政府匪直禪文亦既輔
武宣城名邦寔

帝之畿嘉其愷悌以寄婢媵植之黍稷孳其糧秀民曰陳
侯汝予父母仁以為育義以為教民曰陳侯汝時杜召遺
惠在民永思無斁遺澤在嗣世率于德猗嗟陳侯惟吉之
英吉世有人視此刻銘

直隸蘇州府知府安陸姚公傳

姑蘇袁康撰

姚善字克一湖廣安陸人也初姓李後乃復居姓善志行淳實學
識高遠工詩與會稽唐志淳相倡和洪武中由鄉舉歷
廬州重慶同知所至有能聲三十年擢知蘇州府初高
皇帝以蘇俗靡僭峻法以齊之乃更譎詐蜂起頗號難治
善洞達政體周知人情弛張寬密各協事宜數造請郡中
之賢者咨而聽焉由是吏民敦尚禮義輒稱大治為列郡
最處士王賓獨居陋巷善往候見屏車從躬叩門賓問為
誰應曰姚善乃開門延見及賓報謁至府門載拜而返善

自邀還賓辭曰非公事不敢入也又將侯韓奕奕避入太湖善歎曰韓先生所謂名可得聞面不可得見也錢芹自守甚高善願見不可得將往候之先使人道意芹對使者曰芹誠願見公然芹民也禮不可往見于庭苟明公弘下士之風月朔請胥會于學宮善如期往迎芹置上坐請質絃義芹曰公今有官守請姑舍是事有急於此者善問何事芹出一簡以授善竟不交一言而去視之則守御制勝之策也善心嘉之後薦為行軍司馬革除己卯善畫策勤王芹與有勞焉壬午京師平朝廷索黃子澄甚急避善所約與浮海善曰在公則可在善則不可善守土之臣當與

城存亡于澄去善竟伏節死表廢曰余童子時數聞長老
言姚公之治蘇勤恤民隱而教之以禮其消息因革皆可
為永久法昔子賤治單父夫子問之對曰不齊所師事者
三人有賢於不齊者五人皆敬事之夫子嘆曰惜哉不齊
之所治者小也觀姚公之禮賢者雖子賤何以過是革除
間北兵長驅列郡皆望風迎降惟恐後獨姚公以蘇州底
節不下伏劍而死忠義之名施乎無窮卒賴得士之助彼
井蛙之徒志驕氣滿視布素之賤若仇讐然聞姚公之風
可以愧死矣



浙江圖書館

知府姚公傳

鄭曉撰

姚公善字克一安陸人初姓李後復姓居魚寨公志行淳
實學識高遠為諸生時扁讀書所曰待旦軒會稽唐之淳
為之銘公工詩為唐相唱和洪武中鄉舉歷祁門丞同知
廬州重慶所至有能聲三十年擢知蘇州府初上以吳
民染夷俗僭靡遠式繩以重法器訟者更持短長訟蜂起
難治公洞達政體周悉人情弛寬宥允協時宜敷造請
郡賢考求治道高略民生休戚俗尚淳漓稍因俗救正吏
民回嚮轉稱大治為列郡最隱士王賓居陋巷公往候舍

車詣門賓問為誰曰姚善賓乃開門延語及賓報謁面府
門再拜而返善自邀還辭非公事不敢入又將候韓奕奕
避入太湖公歎曰韓先生可謂名可聞而面不可見者錢
芹自守甚高公願見不可得有俞貞木者以明經見重於
公月朔望必延致學宮講經書訓士一日饋菜於貞木誤
送芹所芹受之吏覺其誤詣貞木以告貞木曰錢先生不
肯取與今受不辭必仰府公之賢耳公聞之欲往候乃使
人先道意芹對使者曰芹誠願見公然芹民也禮不可往
見于庭若明公弘下士之風請俟月朔相會於學宮公如
期至迎芹置上坐請質經義芹曰此士子之業公今有官

守何不詢時務和公益起敬請問今日急務芥出授一簡
竟不交言而去視之皆戰守制勝之策也公心嘉之時靖
難兵也出北平公於是密結鎮常嘉松四郡守訓練民兵
相約勤王而薦勤為行軍司馬建文元年公至京師畫策
防禦又從大將軍北行尋還京建文君用漢破七國策貶
齊黃于外公言于朝曰人有文武才畧可扶顛濟危者反
置散地不用今事已狼狽湏急召之詢其姓名不對再三
詢之曰今人才豈有過于黃大卿者遂復召還二人四年
詔公兼督蘇松嘉常鎮五郡兵勤王未及戰文皇即位
索子澄甚急子澄避公所約共航海公謝曰公可去善不

可去公朝臣可回往號召圖興復公職守土義當與誠存
亡子澄遂去公為麾下許千戶等縛見文皇詰公曰若一郡
守乃敢率兵抗我和公厲聲不遜死之時年四十三子節
謫戍賀縣千戶所幼子繼見蘇州坐配保兒習匠正德
十一年湖廣巡撫秦金祀公鄉賢祠奕潛心理學尤精於
醫洪武初累薦不起所著有韓山人集

交趾諒江府知府廬陵劉公傳

廬陵楊士奇撰

劉子輔吉安廬陵人自太學擢監察御史持身謹慎行儉約如布衣時而用法公平嘗按臨浙江者三年不見声色而浙江之人善者愛之橫者畏之時憲使周新持風裁不苟許與獨數數稱子輔為賢御史九載考家升廣東憲使到官數日丁家艱去服闋坐微累左遷交趾諒江知府不鄙夷其民撫綏如子民咸愛戴之叛寇黎利攻圍諒江城時寇勢猖獗他郡縣城多已陷子輔與守將倡兵民致死守數月寇增衆攻城城中食且盡而人心益固又踰月寇攻益力遂

破城城中兵民盡力鬪以死無一人降者子輔知事不支
曰吾奉命守郡郡_亡與亡義不可汙賊手即自經_溢死一子
一妾皆先子輔死事聞贈子輔布政司叅政遺官賜祭復
其家太史氏曰子輔平素恂恂少言如無死長者且不慕
交際人蓋鮮知之而其終所樹立卓卓若此事_士可以其外斷之乎
當時總帥如王通輩擁經兵十數萬不能禦賊而棄城去甚
者蔡福之徒甘心從賊反兵來攻圖苟活_旦但暮間卒之不
逃諾于國典夫死一也彼身戮家償貽誚無窮視子輔蓋
水炭薰道之不相同矣時戍守之將如都指揮李任等
毅然奮節而死者蓋多死民社者子輔及諒山知府易先

政平知府何忠輩 非一人忠罵賊不絕口從容賦詩乃
與其子皆死世曷嘗 正人君子哉願係如_用之者之何
如也

浙江圖書館



浙江圖書館

直隸蘇州府知府靖安况公傳

長州王鰲撰

况鐘字伯律靖安人始以吏事呂尚書震震薦其才授禮部主事進郎中蘇郡由永樂以來長吏治狀鮮著朝廷屢遺史督責無效宣德初以雄劇十郡缺守慎擇良牧尚書胡忠安公等遂舉鍾典蘇郡復請賜勅以便行事乘傳赴郡忠固已洞灼郡弊蒞任吏胥抱案牘請署以嘗鍾鍾默默若無能為既三日吏復請署鍾曰若謂吾不事事和歷舉三日牒無一遺互摘其間某為故出入若失出入隱竄顛倒立取一二輩即庭下撲殺之僚屬震栗鍾因并舉僚

屬貪霍懦者立出之搜逐胥屬主文積蠹置通閔勘合簿以防詐偽衛卒久暴橫痛加繩禁郡體始尊嚴勢家侈恣不法鄉里武斷咸取杖殺之而扶惠單弱置善惡二簿察民善惡者籍其名既施行則著列以示勸懲婚喪不時者召諭反覆而峻其校督刑罰民畏而感無不從令鍾既達而果又素忠直簡在上心故凡所論列悉賜施行郡田有官民之別官田稅額特重鍾擬奏求減焚香自祝或動以禍福不顧䟽上卒得取凡奏減省重額止賦田糧七千二萬一千有奇墓民開墾荒田起科以免逋年包荒之糧至一十四萬九千五百有奇停徵滄沒田糧二十九萬五

千免舊欠糧草鈔數百萬錠罷平江伯董漕歲取民船五
百艘免買船米十五萬一千八百石疏免詔買減濶白三
梭布七百疋銀數千兩奏革倭船徵需無度請濬淪水道
淤塞辨明平民誣入軍者千八百餘家招復逃亡三萬六
千七百戶凡所罷行皆綱紀大務民到于今受其賜尤重
於事神社稷山川龍母泰伯仇員范仲淹諸祠宇皆拓而
新之享猷誠慤雨暘祈禱輒響應興崇學校敬養才哲薦
拔孤寒有起家為近侍者剛敏敢為不懼權要居量廓如
朝廷累有褒勞述職陞辭上為錫宴賜詩息寵甚至而已
蘇人仰藉倚以守禦不遷其官鍾亦無倦丁內艱去任民

上請乞還鍾治服除仍舊任正統五年九載滿去闔郡之
民上章乞留往和闕者八萬餘人遂再遣任若赤子得慈
母七年無疾卒子位民益哀之

浙江圖書館

中順大夫廣東南雄府知府敬齋劉公墓誌銘

安福彭時撰

公諱實字嘉秀號敬齋姓劉氏安成邑東竹江人本漢安
成候禮之裔曾祖懷古學行卓異與劉湏溪先生為倡
和友祖尚賢考伯武洪武中以才能徵未官而卒以公
貴贈承德郎金華府通判奉政大夫順天府治中母
高氏累贈宜人公早孤賴母守節訓育成人年弱冠補邑
祥生從吉水周學士功叙張貢士麓永受書經二先
生見其聰敏所業日進亟加稱許以書中宣德丙午江西
鄉試庚戌進士第尋詔依親進學越三載赴召選入翰

林為庶吉士正統元年授金華府通判時金華連歲凶旱
民多鬻妻孥輸賦公奏寬其征且設法為贖其孥舊裕
民貧親死不能塋者多棄之公嚴加禁止或諭有力者收瘞
其俗稍變義門鄭氏役馬夫子山西甚病之公為奏復
其役至於興復先賢祠墓修葺學宮俱處之有方
不以擾民民深德之歲辛酉應天聘為同考官簡閱
精當人服其公竣事至即有富民以殺人輸死獄成矣
公疑焉密察其情蓋告者故為吏實貧而狡潛殺三
人以誣富民而奪之產非富民殺也立辯其誣出之衆
服其明決歲亢旱屬邑雩久弗應公齋沐一禱

即雨所經行地雨復隨至一日行縣始出郊一狸迎邦于
道行十里許復引類群至且行且拜公下馬視之群狸
馴伏良久乃去嘗夕寢夢神語以公署將火公驚起
廳事火且然矣因率衆滅之其精誠感召類如此既九載
聞母喪不越宿即馳歸居喪哀悴廬墓三年不家居起
復陞順天府治中府事劇民頑公泣以公廉凡所分理民
懽趨之事以先集三載賜誥有廉軌介久著之褒景泰
乙亥用薦入翰林脩書丁丑天順改元復涖府事九載績
最陞知廣東南雄府至則刻吏弊蘇氏莫損商稅十
之八九取其一二以脩葺郡學不兩月克完施為有叙

民怵以悅居無何以愛民故與中使者有違言交章入訴
值朝廷勇於為治款別枉直遂遣人逮之民數千擁道泣
拜以送既至事將白以疾終識與不識咸悼惜之實天順
辛巳四月十四日也享年六十有六公性剛直少容行以
峻峭意所與者無貴賤一接以溫顏否則雖達官貴
人必面斥之以故與人寡合或勸之少貶則曰惟聖人
為能剛柔合德自大賢以下未有不剛而能立者自待
益不便歷官餘三十年不苟取民一介終始以廉潔稱
所至惟一蒼頭執役未嘗以妻子自隨甘澹泊如寒素
雖所居不庇風雨與衣服什器弊陋不完一不經意人

或迂視公而公之視人蓋蔑如也尤嗜經史其涖公堂
或出輿馬上輒展卷吟誦公退手一編至夜分乃寐有得
即呼童爇灯起書之為文平易雄渾詩有高趣草書飄
逸師晉体所著有元史畧孝經集解小學集註春秋集
錄敬錄詩文稿藏于家配嶺背李氏柔順有德子男
二長敷武昌府學訓導次子心女三人王叔度尹啓濟彭
盱其婿也孫男四廉文麟鳳女三俱適士族公之卒于心
殮殯如禮將扶柩歸塋屬翰林檢討張君為狀求為
銘墓在某山塋以年某月某日也銘曰生孰無死死
孰非所惟躬過人之履操立絕俗之儀矩利誘之

而不回勢惕之而不沮則雖死於不幸其視庸庸以生者
固為愈也嗟若劉公行高節若銘以昭之用垂千古

浙江圖書館

故河南府知府李尚德墓銘

楊榮

士之為世用德足以有守才足以有用平易之政足以得民此其不愧平生永終譽也宜矣若故知河南府事李君尚德其殆庶幾矣乎君諱驥尚德其字也先世居清州曾大父紹宗大父輝祖始徙沂之剡城世業儒考諱壽康好善而樂施母某氏有懿行尚德甫六歲而失怙自幼穎敏嗜學從鄉先生遊已超出倫輩稍長為邑庠生謹言行勤問學師友敬愛之洪武癸酉以詩經領鄉薦入太學歲丙子朝命拔太學生才覲魁傑者十有八人俱授給事中尚德預焉任

戶科時關市譏商旅者往之發其囊笥窺覷為奸尚
德奏罷之尋坐事免官已而被薦起知新鄉縣之當
四遠之衝往來屬道尚德處之事不察而下無苦間
命葺茨舍置農具以撫輯逋逃表歸者至數千人庚
辰以囚艱去民相率乞留之者至于數四永樂初服
除改知東安勸課農桑綏輯流亡事有病於民者輒
請于朝罷免之邑故荒墟多狼嘗有娶婦訴其子為
狼噬者尚德禱于城隍深自咎責明旦狼死於其所
今刑部尚書施公寔東安人聞而異之為紀其事而
揚於縉紳間既而行部侍郎李公昶暨素所知者交

章薦之遂擢刑部郎中鞠獄詳慎人無冤抑嘗以崇
教化重農桑卹民省徭重版籍育賢才優養軍士寬
卹馬政擇守令汰冗員禮廉能抑倖進通鈔法十餘
事陳于朝多見采納未幾生事譎保安 仁廟嗣位
詔求賢工科都給事中吳彛首以尚德薦召還擢監
察御史操履益堅未嘗以經患難而渝其志循行郡
邑以簡賢革貪為務又陳經國利民督農事察民情
備邊儲省營造及海運防驛傳芻牧凡十事 仁廟
嘉納之嘗自詔白予今叨職耳目當知無不言以盡
分內事若掇拾人之短長以沽名則不為也暨考

最蒙 恩褒贈父母如制仍賜歸焚黃及還朝適

命下簡廷臣為郡守遂受璽書出知河南府既下車
古循良所以用心者而推行之如興學校時地利均
賦役弼盜賊審度量之類皆罄心力暇輒閱書作為
箴銘以自勵家居雖冗席必端嘗曰細事既正則遠
之他務無往不正矣公署後植松竹梅每退食盤桓
其中因曰彼三友而益我一夫得非四友乎遂號堂
為四友郡嘗大疫捐俸市藥貯之廳事遇民有疾即
與之賴全活者衆歲旱躬率父老禱于嵩嶽雨應期
而至傍鄙民訟不平者咸求決焉莫不心服而去守

河南逾六年一日與賓客飲于四友堂談笑中瞑目而逝正統元年夏六月二十有七日也僚友耆民相弔哭者皆失聲享年七十娶劉氏封孀人克勤內助子男五人長隣以通經舉授長垣縣教諭次傑英輔恭輔早世孫男二興道興邦孫女五以其某年某月某日葬于某山之原隣以所次行實謁予泣拜諸銘夫以尚德之才德兼茂幾於古之循良者如此是不可無言以永其名於無窮也銘曰、學優氣充德茂才豐剗歷仕途曰廉與公惟公不私惟廉有守人所罕能君則兼有民心其懷後胤其昌嗚呼尚德可謂

不亡



浙江圖書館

河南知府李君墓表

楊士奇

先皇帝臨御霄旻勞動圖惟安民之道簡求賢俊任
之牧守廼宣德五年命監察御史李驥為河南知
府賜之璽書命革民所惡而與其所欲河南地大
務殷其民數困於旱澇又歷以親藩之重其嬖近及
將校怙勢厲民民不勝弊李君至辛勤信誑起仆濡
搗實虛而止綱紀明憲度民始有蘇息意向之為
厲者不得縱肆咸不愜志相率啟親藩勢以摧君
朝廷聞之悉捕假勢者寘諸法君政治益行中貴人
過洛陽有逼取縣帑白金去者君聞之遣吏馳追索

之中貴人知君遣追俛首揮懷中出以歸之默不敢
一語在却興學禮賢均賦後拜寇盜咸盡心焉致勤
職事率昧爽坐公堂或日中吳不暇食却嘗大疫捐
俸市藥以濟民嘗大旱躬禱高嶽雨隨降雪足所治
一州十三邑吏憚其清民得其惠隣郡民有爭訟不
平率走庭下求直為河南六年卒卒之日其僚屬及
民耆老哀之如喪親戚古所稱良二千石君其人哉
君諱驥字尚德生六歲而孤自少知務學謹言行見
重於師友治詩經中山東鄉試為太學生洪武丙子
車駕臨太學親拔生徒十八人為給事中君與焉授

戶科奏罷閔市檢察商稅苛細之弊居無幾坐累免
官後用薦起知新鄉縣為之有方雖時供億繁而民
無擾招徠流亡數千戶咸俾得所丁內艱去民猶數
請上官乞奏留君不報服闋改知東安縣招撫流亡
如新鄉勸課農桑凡民所未便者悉奏除之縣多狼
嘗噬寡婦子寡婦訴與君君反躬自責而白寡婦冤
於城隍神翼旦噬所有死狼云廷臣交奏君治行召
為刑部浙江司郎中議獄平恕嘗上疏言崇教化重
農桑育賢才選守令惜民力恤軍士汰冗官養廉能
抑倖進簡馬政通鈔法等十四事多見采納在刑部

三年又坐累謫戍邊

仁廟嗣位下詔求賢近臣奏舉君召為貴州道監察御史愈益自奮振舉風紀慷慨持論未嘗以訐為直嘗陳時務十事皆嘉納之巡歷所至斥姦貪獎賢能人用悅服取下以簡居官稍暇手不釋書冊堂室至廩庾率揭銘以自警所用物雖几杖之微必取正直不可以苟在河南於治之後堂植梅竹松恒退食其中名堂曰四友其一君自謂也一日宴賓客堂中譚笑之頃奄卒正統元年六月二十七日也春秋七十其先世居青州業儒後徙充之郟城曾大父紹宗大

父輝祖父壽康母朱氏以君貴贈父監察御史母孺
人封妻劉氏孺人子男五長隣長垣縣儒學教諭次
傑次英次輔次恭輔先卒孫男二興道興邦士音興
君同朝素熟君德善於江陵楊公弘濟江陵公嘗為
君著傳至是又道隣求為墓文嗟呼李君外嚴重而
內明恕處也孝於親悃于鄉仕也所歷勞績焯々而
水蘖之操夷險不貳嘗自號復一貞士考其平生隱
顯窮達履之正執之固所云貞者不其然哉不其然
哉故特為之表



浙江圖書館

雯峯先生饒公墓表

何喬新

嗚呼此雯峯先生饒公之墓公嘗仕為郡守惠澤流
于人聲績焯于時矣予不稱其官而表其墓曰先生
者蓋先生有德之稱為士而有德功名富貴不足道
也公諱秉鑑字憲章世家廣昌之麟角里曾祖仲實
祖文遠父希明累世不仕而以長厚稱母揭氏公生
長巨室思以文學顯其身以及其親初從監察御史
聶公宗尹受春秋又從教諭羅子濬受尚書發而文
章詞采爛然覽者驚異弱冠游京師先冢宰一見許
以國器且作文贈之曰它日竦壑昂官必子也正統

甲子領江右鄉薦兩試禮部名俱在乙榜例授教職
辭不就卒業太學時李忠文公為祭酒士之明睿者
多在館下公獨與彭文憲公友朝夕相切磋學益進
景泰三年除廣東肇慶府同知肇慶地險俗獷號難
治公疏濬宿弊均徭賦繩毫猾惠貧弱境內以安鄰
郡有群盜侵掠至境上公督民兵敗之斬獲甚衆屬
邑有奸氓聚群不逞欲為亂公單騎入其地曉以逆
順衆謹然羅拜而散右都御史馬公昂征隴水徭公
獻平蠻策馬公善之委公督兵餉暨蠻寇平又委公
城隴水上其功于朝陞四品俸僉都御史葉公盛

巡撫兩廣召公詢以時事公具言盜賊所繇起與平
寇安民之策葉公深然之用其言群盜稍輯僉都御
史李公秉巡撫南畿聞公名薦于朝欲以為太平府
太守不果用尋以葉公薦遷知廉州府廉與交趾接
壤連年用兵重以中貴採珠邊民不勝其困公規畫
有方民以不勞又什伍其民教以騎射有寇至輒擊
敗之葉公上其功特賜寶鈔綠段公痛兩廣賊勢
日張民日凋瘵具奏監軍及諸將無平賊方畧所至
唯事剗剗戰小勝則張虛聲以邀賞大衄則匿不以
聞臣恐數年之間兩廣盡為盜區矣章上權貴大怒

思有以中之會公督兵餉遠出寇乘虛襲城陷之衆
因以失守為公罪坐褫職廉民千餘人詣當道訟寃
且言知府文吏非守城者况以公事遠出城陷非其
罪也乞還知府以活吾民時當道多忌之者莫肯上
聞公歸家優游泉石以書史自娛又作義倉以調貧
乏立義學以教宗族建雲峯書院與翰林脩撰羅應
魁講學其間成化二十二年十月十七日以疾歿于
家享年七十有四初娶黃氏繼娶王氏無子以弟秉
綱子弼為嗣一女適同邑何慶同弼以卒之年十二
月十一日塋公于里之南應山所著有雲峯集春秋

提要春秋會傳傳於世。堊後八年弼錄公行實求予
表諸墓予讀秦漢以下史疑命之有無久矣及論次
公行事首末乃知事之窮通信乎有命也公少以傳
學自負執意取進士所交多一時豪傑然以議論不
合於主司不克如其志及既出仕政聲日聞慨然欲
以功名自見于世然官僅止二千石竟以非罪黜當
公黜時李公為冢宰馬公為大司馬葉公為少宗伯
皆素知公者然不一引手救其非命即嗚呼世之為
太守者多矣然沒而使人稱為先生者則不多見也
夫使人稱為良二千石曷足使後世稱為先生以昭

無窮

其有德哉嗚呼震峯峨峨震溪溶溶先生之名與世

浙江圖書館

直隸松江府知府安肅趙公傳

華亭顧清撰

趙豫字定素保定安肅人洪武末以生員督賦守城永樂
丁亥授泌陽縣主簿未上擢兵部主事陞員外郎丁內艱
起復洪熙初陞郎中宣德庚戌奉勅知松江府時戍兵驕
甚豫擇其甚者杖而配之邊衆遂帖服於是一意撫循與
民休息困窮者稚至者咸得盡其情擇名家子謹良者為
吏訓以禮法不威而嚴下亦不忍欺寡慈絕游燕每誦范
文正先憂後樂之言曰此吾輩所當法也以吳俗尚琴奕
喜玩好見之未嘗一寓目輕徭役節冗費奏減吏員十五

如此者十餘事。巡撫侍郎周公忱有所經畫，必與之議。而後決。民陰受其賜，而終不自言有及之者。則曰：此巡撫奉宣德豫何力之有。九重儒術待學官，必以賓禮。至要途顯人，亦不為逢迎也。滿考吏民數千人，請留增秩正三品。復任前後十五年，清淨如一。上下皆化之。斷獄大省，請謁路絕。每視事，惟兩吏侍傍。教卒肅，列階下。若僧寺，然嘗入京教授廬陵孫昇畫一鶴為贖。且曰：公為政若大車行乎平陸。巨艦汎乎安流。信古之所謂長者而循吏也。時以為知言。正統十年，吏部論天下有司治行尤著者十一人。豫在上。列詔宴于午門，賜織金衣一襲，緡紳榮之。及致仕去，吏

民攀擁不得行留一靴以識遺愛教授王禮作去思文刻
石崇德堂上今從祀先賢及配食文襄公祠公每見訟者
非急事則諭之曰明日來始皆笑之故有松江太守明日
之謠不知訟者乘一時之忿經宿氣平或衆為譬解因而
息者多矣比之鈎鉅致人而自為名者其所存何啻霄壤

浙江圖



浙江圖書館

懷慶知府李君墓誌銘

楊士奇

河南懷慶府知府李君正統四年七月初七日卒於
官既歸塋泰和千秋鄉羅團之原又明年其子誠奉
翰林侍講余君學夔所述事狀走北京求書墓上之
石余年今七十有七衰倦甚願尚縻公務日勉強不
前乞退而未得而何能應人之求故有求者率力辭
卻雖怨且怨不恤而誠懇之求不已則又念李君持
身愛民吾邑之卓卓者且素厚不忍固辭李氏家泰
和西郭文溪之上其曾大父宗明大父雲龍父又新
有孝友之行母蕭氏李君諱湘字永懷自少端重謹

飭嗜學入鄉校從師授春秋經業成上北京太學永
樂中選歷刑都察院以才能稱擢東平知州斷亡以
持已愛民為務常祿外非其義一無所苟取而勤於
公旦暮治事不少休視民如子訓之勵之諄亡無厭
倦意非甚悖不輒施笞罰徭役必驗力厚薄民皆悅
服州城之東有大村壩源出泰山雨溢數為民患奏
發民丁築隄捍之患乃已州及所轄五邑地曠多蕪
廢課民墾闢倉廩元物歲歛賑貸咸有備祀典祠壇
公府廨宇整飭一新增修學舍明教化有稱齊魯之
間前之為守者得罪去後以省復李君用召還民懷

之不置群訴於朝請復之從之車駕征北虜

詔山東西民隨軍給餉運道遠多死亡李君率東平
民行撫綏有道訖完民以歸在東平十餘年始終一
致正統初詔廷臣舉郡守禮部尚書毗陵胡公奉
李公遂陞懷慶知府命下東平之民爭輓留不可
扶老携幼涕泣送十里外既至懷慶一用所以治東
平者治其民民欣欣戴君如父母懷慶有兵衛素
挾勢厲民李君隨事裁制不動聲氣而兵帖然不敢
以肆在懷慶三年郡人以安上下交譽之無間言李
公醇厚溫裕孝友如其父處人以誠能赴其急不以貴

賤貧富而移所守嗚呼今其已矣其享年五十有七其配
朱氏其子男四誠讚諛諄女三蕭鳶劉載言朱篋其婿
也孫男三珽玘玘銘曰為士所本曰持其身為政所重蒞民有
仁溫溫李君執德靜嘉履謙縮恭悃幅無華學成而仕遭
時奮庸一州五邑董治鄆邦顛顛夙夜永民之莫道守民之勤
莫息蚤作尊卑長幼教民以禮務善去惡裨民承祉躬廉
舉正表率于下休聲洋洋洽于齊魯 聖明急治察最陞
秩懷孟名邦古二千石治教所被三載有成民之戴之懷
鄆一情不逮下壽噫其已矣循良之規靡愧前史江山盤
迴故鄉有坟後敬求之視此刻文

荊州知府張公墓表

王傑

湖廣荊州府知府致仕上虞張公以疾卒于家成化
戊子七月二十三日也己丑十月某日塋其邑官樣
山之原又二年辛卯其子玠走南京以墓隧之文為
請公初舉永樂辛卯鄉試明年會試授宣城教諭時
學校教弛士習趨下公嚴立法程懇乞為陳說
朝廷命官立教之意推明聖賢之道以誨迪之滿考
楊文敏公薦于朝陞當塗知縣當塗在畿內號劇
縣賦繁役重公為之裁省求其敬弛而更張之暇日
從二卒循行鄉落視其作業以懲勸其勤惰始然

如家人父子而灾為之卹利為之與尤甚於治家事
事苟於民未便雖厭於郡於憲臣必求其是不苟為
阿徇而為之上者亦雅知公無齟齬焉時靖遠伯王
公統師征麓川所過吏民多竄匿太平守方為是慮
謀之公公請任焉即日詣諸縣集徒衆具芻糧迎犒
江上指麾調度俄頃而畢諸將校駭愕相顧嘆曰我
却知張知縣有為今果然憲臣按郡者嘗檄公攝廣
德州事公出其緒餘治之閱月而州治流民占復者
以千數上聞之賜敕褒美又推恩封其親以及其
室家是太平寧國徽州三郡民文章懇闕閣下爭欲

得公為守 上皆拒不從竟擢公南京雲南道監察
御史都御史素聞公賢允京衛訓練士卒城門戍守
悉命公督察奏疏劾員禁者既得 肯悉繩以法不
少貸有婦人王晏奴者誣殺其夫繫獄十八年前御
史讞之不能具獄而亦不為辯公廉得其請情於
朝釋之公為御史未二載陞鎮江府知府鎮江密通
當塗務尤簡以公才治之事不勞而理民不待喻而
自化又二載以外艱去服除泉州部符即其家授
之泉郡大而民囂公稍濟以猛州有大道民惑於怪
廢不由公單騎造焉民悟是日道復闢泉人士作詩

頌之後布河通舟楫毀尼僧廬舍百餘區即其地改
建社學里豪王大觀輩數十人糾結為州里患侵漁
公賦有司莫敢何問民訟之布政使石公以其事屬
公公召之即至諭使自新盡輸其所侵賦自是少知
歛戢會石公行部復屬公致之其人見石公悔曰吾
豈為石布政來耶公知其終必為患以石公教數其
罪杖殺之一郡稍快而大觀子稠竟仇公與其黨潛
走京師誣公以他事公適入朝聞之即自詣獄上
命廷臣按其事至泉泉人頌太守賢者溢達道而其
事果誣奏上即日釋公又移知荊州而竄稠黨於

北檄公治荆無異於泉而政尤嚴明蓋自鎮江至是
滿九載因疏乞歸而荆民方懇請留公 上重違民
意增秩三品還公于荆而公念母老沉鬱不樂久之
感風痺疾因復疏乞歸 上尤不許而公竟援詔例
棄官歸矣歸見母拜且泣曰兒自今復得為母之子
也於是篤孝養不衰又四年而疾復作以至不起公
自為教校官以治至劇邑典方州操履三十年如一
日以為居官之法教化為本而刑所以弼教也故所
至以修學校為首務其治刑訊決如流詭誕之徒望
其容儀輒沮塞不敢吐聲氣卒無嚴刑峻法而遺愛

常周流於民當塗之民至于今思之遇公鄉人必談
公善政至疊疊不已且問公安否何如有繼以泣者
觀此可以知公之為政矣公諱崑字廷瞻其先世灌
州人宋南渡後始居上虞自太常丞泰來十傳而至
奉化丞與賢與賢生原道原道生九功舉明經歷宜
春教諭與修永樂大典生子孝先公考也母俞氏娶
趙氏子一人即玠側室子二人琢其孫二人津泗鳴
呼古稱善牧人者以其能養之以仁使之以義教之
以禮所欲與娶而所惡勿施故夫人敬而信之愛而
戴之上下相須以成化理然稽之前載能盡是道者

亦鮮矣漢去古未遠史所書良吏已不過數人况其
下者乎此吾所以有取於公而屢書之授之玠俾刻
而傳焉

浙江圖書館



浙江圖書館

故中順大夫桂林知府方公墓表

林俊

三峯之陽省菴墓在焉公從子給事向請表墓道之
石給事賢者狀可信無疑也序其要曰公明伏氏經
正統丁卯領鄉薦後十年登進士拜監察御史河間
盜殺縣主簿公設奇縛之群盜散按陝尋按浙釋奸
剔穢聰察若神醜司罕盈之利盡歸公府請者無分
寸得卸之甲申按廣西苗窺桂林城守告急公用
虞詡計悉兵民出南門入東門貿甲易械旋轉數周
苗錯愕走公身授機畧且撫且捕因陳弭盜數事奏
謫巡撫一人方面而下罰有差丙戌代還邊二人坐

虜逸歸邏者得之主將倖功文致死獄中貴人視行
刑公廉其冤業已上奏因與為異同貴人怒訴公陵
侮不奉 詔會銜者柄用因為竒請遂知攸縣至輒
求生人利害廢至所宜令出輒稱便道歌十竒巡撫
累章薦顯用徃者率格不行比六年始擢桂林知府蓋
舊經按地陰置之也在群而理八閱月移病歸歸十
二年癸卯年六十六乃卒公勤孝友孤厲而貞方
鄉薦時已永感慟念劬勞忽自失墮馬下總功同爨
無間言官費時家給取不榮幸進不辱義退信道直
前迎刃而解故所嚮騰聲或謂有閔道之廉孟博之

介稚子之神元亮之高其狀其起其歸也朝士屬人
或慕頌焉其沒也其吊者咸哀焉諱佑字廷輔方連
世有人桐城自廣信四徙德益五傳至斷事諱法公
祖也父諱懋贈監察御史母配吳皆孺人吳後八年
亦卒祔公封兄弟五人長陰陽訓術次文林卽次公
次給事父也封工科給事中季鄉貢進士子隆娶姚
女適錢鸞吳希德孫男淑淑詞曰 憲憲元老惟周
卿士授鉞秉旄式允文武有美來葉耀休于同洵美
且仁風亢其宗于赫省菴山立淵靚措枉釋回臺章
載整攸介萬山盜紛若麻豪虬其結吏斷其牙自公

來止乃滌乃汰威之庸之金範瓦解爰有饗錢月省
百千衆曰紆哉惟太守賢喧囂脫遺柴桑攸宅靈修
孔承奚爽奚獲奕奕三峯其下玄堂名壽無彊公肩
云亡

浙江圖書館

明故江西贛州府知府致仕進階中憲大夫顧

公墓碑銘

吳寬

公諱暉字德明世居吳中為著姓自孫吳以來代有
顯者曾祖祐祖榮皆不仕父翼登永樂甲辰進士第
稱疾不仕教授鄉里以易師終身後以公貴贈監察
御史母余氏贈孺人公少孤而貧篤志問學刻苦特
甚宣德壬子中應天府鄉試正統丙子登進士第選
為翰林庶吉士凡四年授行人秩將滿用大臣薦擢
福建道監察御史久之陞福建提刑按察司副使俄
為姦民誣奏事既白猶調知贛州居官五年以老乞

歸年八十五而終實弘治乙卯年月一日也公為御
史最有才名嘗理山東長蘆兩運司鹽法宿弊頓革
商人便之踰年再出巡山東適值饑歲或建議犯徒
罪以下者贖米宜加於舊公言今米價騰踴民方不
堪使乘急多取是益困之也當如舊便飢民奪富家
粟吏擬以強盜律公言荒政緩刑殺人者宜以減死
論一時全活甚衆至於吏或不職則自布政使以下
輒劾退之不少假借時太保王公文掌都察院事以
公得憲体移於御史凡出巡者皆當以公為法歲滿
吏民奏留一年天子特從之及自閩臬調贛人頗

為公不平而公至則方博詢民隱專以安輯為事屬
縣有長河洞洞氓強悍不時出沒劫掠屢招諭之而
勢益熾公以為是不示之以威吾民終為魚肉而已
偕守臣上疏言所以勦絕事宜 朝廷用其策兵至
則芻糧已具士卒用命捷奏蒙賜金織文衣一襲寶
鈔二千貫以旌其勞公有治才遇事裁決從容不動
聲氣事無難易無弗辦者顛故多訟民莫能欺若豪
猾吏胥皆斂手以服人至於今稱之既致仕躬治家
政蓋有條理而節儉簡靜人莫能及雖老猶善談論
每舉一事 纏々然始末不遺徃々以居官之法為後

生輩道之皆可持而行也。蓋公自入官以來，凡六十年，而家居半之。康強自適，福履加厚。有子餘慶，再登甲科，以司空屬考最，復蒙恩進階。人以公榮，於是餘慶卜公卒之明年十二月三日，葬於武丘鄉梅林。先塋以予為同年，俾書墓上之石。予念平生數拜公堂上，辱誨言為多，則於公之葬固不能已於言也。乃不辭而書之。公娶鄒氏，故贈監察御史某之女，有賢行，封恭人。先公數年卒，有子二人，長即餘慶，以河南布政司參議致仕。娶劉氏，次餘祥，長州縣學生。娶俞氏，女三人，長適南京都察院理刑知縣杜啟，次適劉

奉次適劉嘉緝餘祥與劉氏女皆妾段氏出孫男一
人永齡女五為之銘曰 侃侃顧公蚤以文顯 英
皇之初甲科則踐詞林宿留才藹不施專對之美惟
小試之乃陟憲臺以繩以糾直指一方吏民奔走民
有失所我其舉之吏有不職我其沮之赫赫之名聞
于 朝著予之臬司何奪之遽 章貢之間却事為繁
公徃治之不見其艱引身而歸年未耆艾有子繼之
我事已代考公入仕五紀於茲孰不入祿如公者誰
嗟哉吳中實多壽考自公云亡今復何有梅林之墟
築此幽堂有厚德者百世無傷



浙江圖書館

中順大夫直隸安慶府知府洛陽周公行狀

南陽李賢撰

公諱濟字大亨世家洛陽曾大父諱文質大父諱誠之俱
隱德不仕父諱禮以不羈之才遠涉江湖間公既冠永樂
丁亥春自入郡庠為弟子員博學強記因讀論語至父母
在不遠遊章味定省曠而音問踈之語愀然不樂曰父在
數千里之外幾星周矣若之何而不往省乎即棄學徒步
以往再越月抵闕適溝疾已危一見公遂愈乃奉以歸復
入學曰方寸定矣於是刻苦不知知寒暑者累年遂領河
南甲午鄉薦赴太學學業大進尋歷事烏臺會彘縣豪

民歐人至死賂同行証一老人已問未決公訊其情有疑既
二日乃得豪民狀遂出老人闔院異之聞於都堂自後獄
有疑必委公無不得其情適有中官陳姓者宣廟極寵之
因有過大怒遂院鞠之御史嚴繼先輩莫測上意咸避之
公曰何以避為立訊成獄都御史劉觀由此注意於公會
御史缺員以公屬吏部補之公以目疾不就宣德戊辰夏
遂除江西都司繼事初獄有輕重惟都指揮是決公曰此
吾職也彼何與焉雖盛怒執愈堅既久服其公反加禮乎
為大兄藩臬鉅公由是皆重之癸亥春以父喪去位居家
不作佛事一從文公家禮鄉人咎之謝曰僕儒者流安敢

從佛因嘆曰昔程子之賢亦不能化况我輩乎服闋調湖
廣都司正統改元秋用當道者薦拜監察御史立朝有蹇
諤風士大夫為之改觀二年冬鎮大同中官郭姓者以豪
橫僭度聞於朝廷勅一御史往廉之先往者不得其情復
以公往乃微行代負芻者入其院盡其違法狀朝廷嘉之
明年春御史出巡宣府者以邊情劇不能處分遂自經歎
遣能者咸曰非公不可公既至邊將為之歛迹邊務一清
四年夏以母喪還家躬修塋域見良方多磚公曰此必古
者不封之墓即掩之因增土數尺是夜夢一老人衣冠甚
偉揖謝曰感公修吾宅問其名垂崖也既覺悟曰垂崖乃

張詠之號已而考之實葬其地公之誠能感鬼神如此七年春服除復受命往巡西蜀威州土官董敏王允讐殺累年不解勢愈大朝廷勅公率方鎮兵數千至其境公曰朝廷本意安之撫之不服然後加兵未晚也吾不恚其肝腦塗地乃令人賚榜沉思之書因字於榜尾令特還衆不解其意公曰此非難見因者誘禽鳥之媒也意謂誘而殺之耳復釋此意示以誠信允大驚曰非凡御史也即投服以馬數十令子弟入貢贖罪敏亦愧服一方遂安朝廷嘉勞之十年秋復巡鳳陽逢歲歉民多窮于食公嘆曰此地民飢之也輒開倉賑之然後聞于朝有司危之公曰以此

得罪甘心焉若俟報何啻穿井以沃焦釜民賴全活者數十萬事竣會安慶以人民飢食流離聞且報無賢守之故於是大臣咸推公十一年夏出守安慶三歲至被象之明日名闔郡之父老問其故皆流涕曰此處三歲不熟矣以子女易食滿載而南者無虛日公即分命止其舟借漕運糧以濟之子女得存者不下萬餘連章懇陳荒民流之故復乞停稅朝廷俱從之首訪余忠宣公祠已毀矣公嘆曰余公昔鎮安慶保孤城於七年之久仗義死節有功於名教今乃無祠非缺典乎遂與僚屬各捐俸立祠民立樂從者甚衆俗尚奢親沒不葬者數百家女聘未歸者千餘家公

乃出令示期遠者罰之貧者助之不兩月無留烏閩中寇
起天下騷動安慶貧民亦欲乘勢乃聚強取富民粟富民
以盜訟於公公曰此非盜也乃貧耳即碎其狀曉於貧民
曰得其穀者報以數吾代償之貧民間之感愧遂解散暇
則集職行錄以驗為政之得失擲垢爬庠務蘇其困民賴
之如父母焉工部尚書周公忱巡撫諸郡獨慮安慶歲必
數至親為綜理自公下車之後曰吾無安慶之憂矣在任
三年以疾卒六縣之民為之罷市巷哭若親喪願扶柩至
洛陽者數十人視古之循吏亦何愧焉為人謙恭不立崖
外和內剛事上接下交友無不得其懽心風流醞藉善記

子籍凡事必究其出處雖隱僻事亦精到喜清談遇知己
對酒達旦不寐人倫文或忽公詰之即窘復為開之識量
過人能出其智真所謂豪傑之士也生於洪武丙寅卒於
正統己巳壽六十有四配封氏子一人曰端儀用有司舉
為陝西狄道縣丞女二人長端貞歸于賢次端潔嫁國子
監學錄王讓景泰改元端儀葬于印山駱馳峯之陽從
先卒也謹狀

浙

江



浙江圖書館

孝行沈公墓表

葉盛

君正統壬戌劉文介公榜進士登第授南京兵部武庫
司主事三載進陞承德郎封其父如已之官母妻
皆安人既而進官為夔州知府又改重慶皆以喪不
赴最後得廣州以卒然士夫君子率以用不究其才
位不滿其德為君惜且以為君之官可及也君之孝
或不可及也天子亦嘗為下令大署其家曰旌表知
府沈琮孝行之門其稱為君宜不以其官而以其行
其所以重君又如此而教孝勸忠舉一而兼得亦豈
非明天子之心哉君釋褐庫部恒攝車駕職方武

選事無不治者一時南京名德知老如魏吏部南齊
陳祭酒敬宗周學士功叙皆與君為文字交而尚書
徐公琦以客禮待之廣州固嶺以南副郡中使者求
珠大將軍治軍旅適又旁午其間事有甚難而君處
之裕如其於興學校美俗化勸農弭盜亦為它郡最
所惜者素稟清羸頗不任勞勩晚亦鬱鬱不如意以
去比去民遮留之相與泣而別明年病稍加竟卒君
沈氏諱琮字公禮其先蒼人徙嘉興之平湖清溪里
曾祖遠之祖珣父昇母潘氏繼蔡氏其配盛氏生二
男三女皆已嫁娶君卒時年五十寔成化二年九月

三日以是年十一月二日塋所居南半里先塋之次
君幼悟與其弟監察御史琿齊名人稱而竒童先後
取高科得官居父母喪相率結廬墓下不肉食者凡
六年有馴禽瑞草之異事聞有司以琿既卒例不得
旌君䟽言琿不佞爾以及亡弟事雖弗果聞者義之
蓋君為人卓有志操請道之行當自其家始孝弟忠
信克躬以先家庭之間多化服者諸子弟皆秩之有
礼法可觀與人有恩意於平生故舊師友官長尤厚
生養死歸或推及其所親至歲時饋遺終其身酷好
學問雖臥疾寫誦不廢詩文著述頗多有集錄若干

卷藏于家嗟乎古昔盛時官人之法不為苟且必考
諸其家必本諸其所吾與沈君乎觀之有以哉中書
舍人呂憲君壻也偕其連舉人包昂以其子楷書奉
周鼎先生所為狀來求予文先生蓋君里中人其知
君也深故其言也悉予尚何言初君之為廣州予濫
以巡撫居其上而於衆中特委重君君亦無負予顧
予時方以迂愚取厭當道未及論薦之予既再出居
庸會它都御史之名林幹者來而君亦以病乞歸都
御史即解其任意固不在君也予也上賴天子聖
仁加保全以至于今而君獨不幸以死幸不幸其示

有命哉雖然予為此文用志予愧亦以慰君於地下
焉爾豈徒以不幸委之於君之命而已邪

浙江圖書館



浙江圖書館

盛允高傳

盛昺字允高吳江人景泰間由進士授監察御史清
山東馬政值其地灾傷上疏乞蠲民所負孳息癸酉
出按廣東時瀧水賊猖獗昺單騎諭之遂降又劾巡
撫侍郎揭稽不法事未幾以言事過訐左遷古田典
史天順改元轉羅江知縣值旱禱而得雨昺曰此非
久計乃教民鑿池一千二百五十餘所旱不為害民
立生祠於羅真觀尋陞叙州知府適戎珙筠高土佬
叛 朝廷遣將征討昺在行間多所斬獲上其功未
及以贖致仕後追理前勞特 遣使賚金幣寶鈔

賜于家
館中



浙江圖書館

浙江圖書館



浙江圖書館



浙江圖書館



浙江圖書館

浙江圖書館善本


甲登記號：006685

一九 年 月 日



浙江圖書館

colorchecker CLASSIC



xrite

mm

